

佛山忠義鄉志卷二

祀典

祝文

祭器

題劄

明御筆扁聯

祀產

各舖廟宇

寺觀

祀典

祀典

祀典莫備於省城若有禦災捍患之功者祀於一府一州一縣則有之矣祀於一鄉者罕矣佛山祖廟 眞武神之入祀典也始於明景泰間海賊黃蕭養之亂鄉民梁廣等禱於 神定戰守策有青袍白馬飛鳥聚蚊之異事定有司以聞褒廟號曰靈應春秋遣官致祭我

朝因之每歲卽以佛山分防同知承祭是 神之靈所以福佑我鄉里者亘四百餘年而未艾也鄉有祀故特志之而以鄉人之祀正神者廟宇及寺觀

佛山忠義鄉志

卷二

祀典

附焉志祀典

靈應祠祀 眞武帝祠之始建不可考或云宋元豐時歷元至明皆稱祖堂又稱祖廟以歷歲久遠且爲諸廟首也祠自明景泰三年始以 神顯庇佛山威破黃賊特加敕封定春秋祀典

國朝因之舊傳祠之初立不過數楹至元末爲賊所燬則前此規模已無可據明洪武中鄉人趙仲修始修復之宣德中梁文縉等繼拓修之鑿灌花池于祠前已而霍時貴等再修建牌樓增鑿錦香池而廟貌乃寬整矣越百餘年爲崇正時祠漸圯尙書李忠定遂大新之壯麗宏敞視前有加照壁飾

以鴟吻益成鉅觀

國朝康熙二十三年李錫祚等復行修葺更覺巍煥

云 陳志

國朝

諭祭靈應祠祝文

維

道光某年歲次某某仲春秋望日承祭官廣州府佛

山海防同知某欽承

諭旨致祭于

靈應祠神曰惟

神廟食南土肇宋元豐捍患禦災屢著民功向茲盜

佛山忠義鄉志

卷二

祀典

二

發尅副討兇寇用剪除實資

神通歲時致祭於禮宜隆

特勅有司祀事修崇伏祈景貺永藉

帡幪尙

饗

附載前明祝文

維景泰四年八月壬申朔越十五日丙戌廣東等

處承宣布政使司廣州府知府南海縣知縣欽承

上諭敢昭告于靈應祠神曰維 神廟食南土肇

宋元豐捍患禦災累著民績向茲盜發克副禱禳

寇用剪除實資 神貺王朝致祭於禮宜隆特勅

有司歲修常祀尙祈景貺永福生民尙饗

請官主祭呈

具呈佛山堡甲排現年某等為

諭祭出自大興行禮懇委正官以嚴對越以崇祀典事
本堡靈應祠神有功民社向奉春秋致祭載在祀
典至今率由舊章历年皆係奉上憲委官赴祠行
禮但從前多有河泊所陰陽學營代殊褻大典本
月十五日恭遇祭期懇委任正官至期黎明行禮
庶對越虔恭大典有光為此呈赴
本縣太翁臺前伏乞作主金批施行

康熙四十五年八月 日呈

佛山忠義鄉志

卷二 祀典

三

諭祭祭器祭品

斝二 卽湯盃用盛
庶饘載羹

豆五 有火
燔者

鋪五 圓而鼎
足者

簠五 方
者

簋五 圓而無
足者

筐五 竹器
圓者

筥五 竹器
方者

盤五

爵三

豕一

羊一

齋供五

暈供五

熟供五

牲供五

餅供五

麩供五

京果鮮果各五

糖供五

明景泰元年疏并勘合

廣東等處承宣布政使司左布政使臣揭稽題爲
激勸忠義事照得正統十四年八月二十二日有
反獄強賊黃蕭養糾合兇徒謀爲不軌而南海番
禺等東涌馬寧等都俱各惶恐其中不肖多有投
賊受僞官職管領賊衆攻圍廣東城池流劫鄉村
殺害官軍良民彼時惟南海佛山耆民梁廣梁懋
善霍伯倉梁厚積霍佛兒倫逸森梁濬浩洗灝通
梁存慶何燾凱洗勝祿梁敬親梁裔堅倫逸安譚
履楨梁裔誠梁顥梁葵頰洗光何文鑑霍宗禮陳
靖首倡大義率領當地八畝人民出備財力立木

柵開溝塹利器械以爲防備之計後賊果至於是
殺其僞官賊首彭文傑梁昇李觀奴生擒張嘉積
等賊黨憤怒聚船一千七百艘四面攻圍勢甚猖
獗每遇敵時各人供給民夫酒食用大飛鎗摧破
其車又鎔鐵水澆焚皮帳計謀叠出不能具述招
撫各處被難人民動以萬計招徠撫恤卒以保全
臣究其所以蓋彼處舊有神祠不知創於何代元
季兵起鄉之神祠俱燬獨此祠人不敢犯故名之
曰祖堂中奉 眞武元天上帝等神平居無事有
禱卽應捷於影響有悖禮於祠下者輒使之狂病
以警懼之故鄉人事之甚謹賊起環境多被焚劫

鄉人計無所出乃齋戒沐浴共謁於祠下祝以敵賊之故 神遂許之凡與賊對敵之時有海鳥結羣飛噪賊船之上又有聚蚊爲旗建立於榕樹之杪人馬彷彿馳於木柵之外由是羣賊數敗前後殺賊五千餘級斯皆 神靈所助又有番禺縣人曹證任廣西田州府經歷丁憂回家守制因見賊起與民人李福全李善祥簡彥文亦倡大義立三大鎮保障居民一十三村人口萬計賊來輒殺敗之與倫逸安等又俱各自備船隻率領民壯隨同大軍殺賊咸有勞績臣切惟大軍卽日肅將天威殲厥渠魁餘黨殄滅殆盡軍民安堵如舊向非此

二十二人保障鄉閭則賊徒益衆雖竟殄滅殺戮多矣臣謂秉忠仗義固臣民之當爲崇德報功乃朝廷之大典至於 神靈顯應陰翼皇度捍患禦

灾有功斯民理宜崇祀如蒙准題乞勅該部議行

有司將前項 神靈新其廟宇賜額褒嘉春秋致

祭以答 神庥及將曹證等并二十二人量加陞

賞旌表其門永蠲其家雜派差徭使天下之人曉

然知忠義是尙非惟廣東之幸實天下之大幸也

景泰元年七月 日廣東等處承宣布政使司

左布政使臣揭稽謹題奉聖旨敕封爲靈應祠該

部行有司歲時致祭其有功人員依例陞賞欽此

禮部尙書王 伏乞聖恩褒嘉祀典護民神功事
據都察院御史曾到部備言伏承發下查審臣民
奏疏內一欵係廣東廣州府南海縣佛山堡耆民
倫逸安抱本齋奏說本鄉北方元武神祠其神酬
應民卜捷如影響於正統十四年秋海賊黃蕭養
生發聚衆萬餘刦掠鄉村脅民降服意欲叛謀各
俱投服城門爲之謹閉田野不耕商旅不行賊以
佛山爲奇貨得之以利器城可攻民可服資斧鎗
銃可賴而繼戰船八百餘隻泊於汾水之岸鑼鼓
喧天旌旗耀日民惶恐甚逃生無地鄉老誓血禱
于神明愿死堅守神現卦說許之鄉老卽率子弟

鄉民一夜立柵衛于村外開塹護于柵外與賊守
不願屈從屢與賊戰而屢勝其賊出戰之時常見
一人青袍白馬走於柵外又見飛蚊團結成旗排
陣游於空中賊以北方揚灰欲傷民目霎時則轉
南風吹之賊反自擊日夜鈴鑼不息民將憊倦賊
攻日甚西北角柵城幾陷鄉老奔叩於 神 神
卜許其勇敢民遂迎花瓶長五尺詭作大銃狀出
誑賊賊疑不敢攻又見紅鳥一隊飛墜於海賊遂
就擒黃賊勦除之後鄉無一人亡命此見神明保
障之功赫赫威靈之助神靈顯應恩同再造者也
伏乞聖恩褒嘉祀典等因都察院按行廣東御史

楊忠勘審繳報忠仰布政司叅議陳贄委南海縣主簿李綱按臨佛山堡督會排年里老梁廣等僉同結狀果係神功維持生民安堵並不扶捏又恐附同不的復委經歷張應臣親臨覆勘鄉判霍佛兒鄉耆洗浩通呈狀果係神功持助各無異詞御史楊體得始末案卷如合符驗得以細備開具情由申奏伏蒙聖旨准題着禮部議處本職依奉處議記記曰法施於民則祀之禦大災大患則祀之理合嘉崇隆以常祀申蒙允奏茲降以祭文一道匾額對聯各欸議以果酒燭麩香帛卽發四百二十四號勘合劄付行廣東道御史歐陽承宣布政

司叅議合行州縣掌印官每歲供祭品物春秋雜職親致祭祀用酬神貺毋致隳缺以負朝廷褒崇之典如有隳缺許鄉民具呈上司坐以不恭之罪及廟宇朽壞務要本縣措置修葺毋致倒塌如有不悛事體乃許鄉老申呈有司轉行奏治究不恕爲此議合通行責令府縣立案以憑查理庶祀典無窮須至帖者景泰四年二月十四日行

明景泰御題匾額對聯

玄靈聖域

牌坊

忠義靈應祠

正門

國朝祀典

前殿

忠義鴻名重地

正殿

捍患禦災今古英靈不泯

褒功賜額春秋享祀無窮

前殿

法界大開真武殿正直從人禱

神光普照兆民家奸邪不爾私

正殿

祀產

竊惟

朝廷念切真武神通顯聖護國捍患禦災救民水火
浩瀚功勳邇年春秋祭祀未足酬報合行本縣盡
蠲廟地糧差毋得徵擾外合刻碑永世遵而有考
廟將修完有鄉判霍佛兒鄉耆梁文縉見得廟前

佛山忠義鄉志

卷二

祀典

八

逼狹無以壯觀二人推心合將己財買洛水逃民
地三畝五分其稅收入霍梁二戶糧差以地鑿灌
花池池上構梁以接中道從洛水尾官路脚起直
至戙旗壑吳進捨田八分正直以弓步計之一百
二十有五步左右道旁餘土池北種波羅梧桐池
南種綠槐翠柳附近戙旗壑豎櫺星坊中題元靈
聖域四字極甚莊嚴勝景神廟修完景緻猶如武
當勝槩威名播於粵郡後有里人何康求嗣果應
喜捨深村灶涌田七畝五分次有里人梁滔爲白
沙步友人會宗禮祈嗣生男會萬餘同滔喜捨排
後寶田五畝累至道士蘇碧真手上共田地七十

六畝五分八厘遂以蘇碧真爲戶充本堡二十畝第九甲甲首應納糧差中間前後事體備開炳然刊傳後世永記神功矣嘉靖三十一年壬子住持道士起造花龍石照壁以後施主寥寥罕捨入廟現存大銅鏡一圓原懸照壁因見遠方不利已行收貯其鏡現藏殿後不知鑄自何朝年號矣但世傳日久奸盜並起欺神明蠹廟宇侵占壁後土地填池伐樹偷盜香爐燭臺至原日銅香火聖像三尊所存一尊被叠淫鄉迎去建醮後乃久假不歸卽今叠淫所建廟宇奉祀二帝聖像是也然神護國庇民均屬一體事遠亦不深究亦當書之不忘

始末以傳示於後世也

廟志

一正統七年巡按廣東監察御史張公善斷給長河渡二隻於本堡汾水渡頭開至羊城西廟前登岸排年里甲夫匠不許取錢買賣人量取供奉本祠香燈用毋得變易

一深村竈涌田七畝五分佛山堡民何康求嗣果遂喜捨

一廟前洛水沚三畝五分霍佛兒梁文縉捐財買作灌花池用

一排後寶田五畝本堡梁滔爲友人曾宗禮祈嗣果遂同滔喜捨

一河洛田八畝五分石碛堡耆民梁文澗喜捨
一大椶田四畝山紫村田四畝豐岡堡民鄧瑀榮
喜捨

一牛路涌張槎後山邊田三畝本堡霍益李芳霍
廷密洗淳何曉黃士華陳妙尊等喜捨號大燭田
一隔墾田三畝本堡何林何端喜捨

一河泗洛尾井麥婆田一畝二分本堡何文浩同
男何誨喜捨

一西濬塘關涌及石坎頭田共六畝三分信女陳
法通同男洗清洗輝喜捨

一竹山墾田一畝三分本堡譚輝喜捨

佛山忠義鄉志 卷二 祀典 十

一山紫村邊田三分本堡楊志喜捨

一牛路涌田一畝二分六厘本堡布銘喜捨湊大
燭田又牛路涌田四分湊同

一戩旗墾田二分五厘本堡梁伯騫喜捨後霍珪
將牛路涌田替湊大燭田

一牛路後山邊田五分大富堡梁氏喜捨湊大燭
田

一隔岡塘田一畝興賢堡民吳元敬喜捨
一本堡東涌等處田四段二畝三分扶南堡劉氏

喜捨

一涌表并庄邊田二畝豐岡堡民馮良喜捨

一山紫村邊田六分八郎墾田三分石坎頭田一畝五分湊同洗輝自捨田銀子岡田二畝四分本祠道士葉盤秀置

一衆田并大烏白天妃廟大洲頭田三畝登州村民何三敬喜捨

一橫畛田七分本堡耆民霍楨喜捨

一三山田一畝本堡黃興喜捨

一戩旗墾田八分興賢堡民吳進喜捨

一石子坎田八分小岡頭田九分本堡信官霍翼喜捨

一小橋浦田三畝二分半浦村信官何喜捨

佛山忠義鄉志

卷二 祀典

七

一小橋浦田八分本堡民陳善喜捨本祠前項田作一處

一塘墾田一畝二分本堡霍高妻陳氏喜捨

一庄邊田一畝五分廟東地三分信士陳廣捨替表岡地屋

一牛路涌田一畝地隣元敬對替本堡陳亞朱喜捨走馬路一分二厘

一表岡墟地二分屋六間本堡李氏喜捨

一廟前塘五分衆信買到本堡霍亞奴地作錦香池勝槩

一廟後地三分衆信買到霍普序地作殿後園地

一廟西地二分屋一間衆買修祠添用

一廟東地三分本堡民梁植喜捨

一廟東地二分坊民霍銘妻何氏喜捨

一廟東地三分坊民霍時貴妻喜捨

一祿村屋地三分本堡陳佛善妻霍氏喜捨後霍

政買廟東地三分替湊

一東莞縣客人謝風月喜捨白銀四十兩作新修

殿字用

一東莞寶潭村人謝時章喜捨白銀二十兩作新

修殿字用

一龍溪縣尹孺人陳氏喜捨銀一十兩作新修殿

佛山忠義鄉志

卷二

祀典

三

字用

本廟道士蘇碧真手上共田地六十八畝以靈應

祠爲戶充本堡二十箇另戶

陳志

按己上四十條陳志前列靈應祠田地渡額事

記今細閱記文與各條本不聯屬各條爲祀產

所關故改列田地渡額事記及各修廟記於金

石門而以此四十條附入祀典

各舖廟宇

祖廟舖

聖樂宮

祀真武帝之父母在營前街

桂香宮

祀文昌在協天勝里乾隆癸丑年重修

關帝廟

在協天勝里乾隆癸丑年重修道光九年拓寬廟前餘地

斗姥廟

祀斗神在西邊頭嘉慶十九年重修

觀音堂

在靈應祠右

山紫舖

南泉廟

祀觀音大士在田邊乾隆乙巳年重修

雷公廟

祀雷神在古雷公壑雍正壬子年重修乾隆丙申年重修

聖親宮

祀大士之父母在南泉廟左

天后廟

在中和里乾隆甲寅年重修

東嶽廟

在社地康熙丁酉年重修乾隆丙戌年重修

水月宮

祀觀音大士在涌邊

花王廟

祀花神在地藏廟右邊嘉慶壬申年重修

佛山忠義鄉志

卷二

祀典

三

痘母廟

祀痘神在社地雍正壬子年重修乾隆辛巳年重修

地藏廟

祀地藏王在涌邊嘉慶壬申年重修

華帝廟

祀火神在山紫村口乾隆辛亥年重修

豐寧舖

四聖廟

祀太歲地藏等神在鶯岡嘉慶壬戌年重修

醫靈廟

祀扁鵲道光戊子年重修

城隍廟行臺

卽萬真觀在鶯岡

國公廟

祀唐鄂國公尉遲敬德在新安街乾隆乙酉年重修

天后廟

華帝廟

俱在通勝街此兩廟棟宇相連俗呼孖廟乾隆己丑年皆重修

耆老舖

普君廟 祀東嶽神在鯉魚地乾隆十八年重修嘉慶丙辰年重修

明心舖

太上廟 祀老子在太上廟道嘉慶丙子年重修

塔坡廟 祀東嶽神在京果街嘉慶丙辰年重修

彩陽堂舖

真君廟 祀許真人在大元里乾隆丙申年重修嘉慶乙亥年重修

醫靈廟舖

醫靈廟 在萬壽坊康熙三年三十六年重修乾隆十年四十九年重修道光乙酉年重修

醫靈廟 在司馬坊乾隆辛巳年重修嘉慶壬戌年重修

洪聖廟 祀南海神旁祀先鋒在普君新墟相傳先鋒為漢伏波樓船副將軍先下各關隘全活甚多神尤感應今俗呼為先鋒廟云雍正己酉重修

佛山忠義鄉志

卷二 祀典

十四

嶼岐舖

鎮江龍王廟 祀龍神在岐安里嘉慶庚辰年建

東頭舖

關帝廟 在東頭雍正四年建嘉慶甲戌年重修

柵下舖

天后廟 在藕欄崇正元年建乾隆十五年四十二年重修嘉慶庚申年重修

龍母廟 祀龍神在蟠龍街嘉慶庚辰年重修

青龍廟 祀龍神在青龍巷順治庚子年建乾隆丙寅年重修

財神廟 在海口文閣左道光乙酉年建

明照舖

二帝廟 祀文帝武帝在厚俗里康熙丙午年重修雍正壬子年重修

錦瀾舖

觀音廟 在寶賢祠前涌邊嘉慶丙寅年重修

天后廟 在忠義里雍正壬子年重修乾隆丙戌年重修

華帝廟 在爛爐屋嘉慶甲戌年重修

文武廟 祀文帝武帝在忠義里雍正壬子年重修乾隆丙戌年重修

武帝廟 在忠義里乾隆庚戌年重修

仙涌舖

武帝廟 在仙涌上街嘉慶乙亥年重修

文武廟 在石角坊乾隆甲午年建

真武廟 在石角涌邊乾隆四年重修嘉慶壬戌年重修

真明舖

佛山忠義鄉志

卷二 祀典

五

真君廟 在白礮頭雍正庚戌年建乾隆庚子年重修嘉慶己未年重修

社亭舖

武帝廟 在朝市街嘉慶丁卯年重修

南禪廟 祀觀音大士在竹欄康熙四十六年重修乾隆十五年重修嘉慶丁卯年重修

藥皇廟 在朱紫市道光甲申年重修

岳廟舖

武帝廟 在永豐大街乾隆二年重修乾隆三十二年重修

洪聖廟 在蛟騰里乾隆辛亥年重修

花王廟 在永豐社前乾隆辛亥年重修

大基舖

真君廟 在華康街嘉慶戊寅年重修

大王廟

祀南海神在煤廠下乾隆己巳年重修

汾水舖

華帝廟

在正埠

北帝廟

在鹽倉馬頭

華帝廟

在疊滄渡頭

關帝廟

在永興街順治八年建嘉慶乙丑年重修

南擎廟

祀觀音大士在善門街雍正丁未年重修

聖權宮

祀觀音大士之父母在南擎廟前雍正丁未年重修

天后廟

在天慶街乾隆癸丑年重修

華帝廟

在甘竹渡頭

北帝廟

在舊肇慶渡頭

佛山忠義鄉志

卷二

祀典

六

太上廟

在安寧直街乾隆庚辰年重修嘉慶己未年重修

關帝廟

在正埠對海舊志寶洲寺

北帝廟

在龍袍街附祀前明太子少保禮部尚書南海石碯渭涯文敏霍公有容臺儼若扁

額康熙丁亥年重修

潘涌舖

先鋒廟

在快子街雍正辛亥年建嘉慶甲子年重修

鎮西廟

祀漢伏波將軍馬援在沙洛坊康熙庚子建嘉慶戊寅年重修

富文舖

洪聖廟

在長慶坊道光辛巳年建

盤古廟

在盤古直街乾隆戊子年重修

鬼谷廟

在汾陽大街乾隆癸丑年建

先鋒廟 在盤古直街木棉樹乾隆戊子年建

鶴園舖

先鋒廟 在鶴園前街乾隆乙酉年重修道光甲申年重修

洪聖廟 在鶴園大街

石路頭舖

花王廟 在興隆街乾隆甲子年重修道光丁亥年重修

三官廟 祀天地水官在興隆街

觀音堂舖

南善廟 祀觀音大士在三官街涌邊嘉慶癸亥年重修

南澗廟 祀白衣觀音大士在沙塘大街嘉慶己巳年重修

鎮南廟 祀漢伏波將軍在拱北里順治壬辰年建道光庚寅年重修

佛山忠義鄉志 卷二 祀典 七

三元廟 祀天地水官在三官街對涌乾隆癸亥年重修嘉慶己未年重修道光戊子年重修

天后廟 在富路坊嘉慶十九年重修

花王廟 在涌邊坊乾隆癸卯年重修

華帝廟 在低街乾隆癸丑年重修

醫靈廟 在都司署前乾隆丙午年重修

醫靈廟 在大墟雍正乙卯年建乾隆戊子年重修嘉慶辛酉年重修

橋亭舖

南濟廟 祀觀音大士在通濟橋順治乙未年白衣菴僧圓朗將白衣菴改為通濟廟嘉慶丁

卯年重修

北帝廟 在富榮里

觀音廟 在水便嘉慶己未年重修

福德舖

武帝廟 在高地下巷

天后廟 在水巷正街康熙十七年重修乾隆二十年重修嘉慶丁丑年重修

寺觀

經堂 古塔坡寺原在耆老舖塔坡岡上東晉時有西域僧到此結茆講經時此地猶海洲也隆

安二年戊戌三藏法師達昆耶舍尊者因講經始建經堂堂後有周相傳唐貞觀二年岡地夜放金

光掘之得銅佛三尊穴間有碣曰塔坡寺佛有聯云勝地驟開一千年前青山我佛蓮花極頂五

百載後說法起何人鄉名佛山蓋始於此寺毀於明洪武二十四年天啓七年復建於醫靈舖即今

地也或謂其佛乃過去世塔坡寺之佛或謂其佛乃舍利塔上所供之佛雍正九年潮省和尚祈請

東莞寶曇舍利來始建鐵浮圖高一丈零八寸重一千八百餘觔藏舍利於塔下安古佛在塔中嘉

慶四年僧敬來重建增高一丈八尺重七千餘觔仿阿育王塔式

佛山忠義鄉志

卷二

祀典

六

仁壽寺 順治十三年僧樅堂建在觀音堂舖康熙八年僧玉琳重修

德壽寺 順治四年僧達睿由羅浮華首臺來佛山創建在峽岐舖慶源坊

宏聖菴 康熙三年僧堯羨建在豐寧舖新安街

三元寺 康熙六年僧佛裕建在祖廟舖三元市嘉慶九年僧秀文重修

湖峯寺 僧翻貝葉百鳥和鳴康熙八年僧際端建在山紫舖

高基坊

借菴 康熙十七年僧亦堂建在錦瀾舖綱華里

別院 古樹參天野花映日幽靜為諸寺冠康熙十八年僧渠我建在觀音堂舖聚慶坊道光十年僧元機

募緣重修

鹿峯 康熙丙午年僧大車建在岳廟舖

豹菴 康熙二十三年僧兩山自捐衣鉢資創建在錦瀾舖綱華里

西菴 門外旗帶水四而環繞前控南泉右接湖峯

春寺 嘉慶六年僧替西重修

龍池菴 康熙三十八年僧雲

竹院 康熙三十九年僧十

蓮子菴 康熙四十二年建

福壽菴 雍正六年僧本大紹芳全建在祖廟

觀音堂 康熙四十六年鄉人創建在觀音堂舖華

慶四年同知李永青

慈隱菴 雍正九年建在柵下舖廣德里

明隱菴 雍正十一年建在柵下舖橫岡

定覺菴 順治八年建

佛山忠義鄉志 卷二 祀典 九

鐵佛菴 又名僧伽廟崇正丙子年建

通濟菴 在橋舖

三昧菴 在橋舖

觀音堂 在舖

福源菴 在舖

吉祥菴 在舖

茶菴 即今敬字亭

地藏菴 在舖

寶洲禪院 在對海文昌沙武

萬真觀 有則聯十友構地建左為大慈堂祀無依

木主雍正丁未年游魂不安怪異屢見乃奉城隍神以鎮撫之佛山之有城隍行臺肇此也護法者

衆結搆漸增三元殿呂祖殿斗姥殿峙其東洞天宮十王殿文武殿大乙樓洗心亭清水池繞其西四方雲遊道侶咸駐足焉

按越人勇之言粵尙鬼東甌王敬鬼壽百六十歲其後人求財求嗣求婚姻者各私祀有神多不見於經史楚甌閩粵皆然而佛山爲甚余不能遏其流而重防其靡也於原志神廟之入祀典見經史者登之此外如三界太尉之屬皆另入雜錄庶不背於大雅而一鄉人心風俗亦或有裨焉若佛老寺觀從來志乘所不遺且國家祈晴雨禱雪澤亦均有祀故並存之